



Ráhkis miellahtut

NSR:s lea áiddo leamaš riikkačoahkkin ja ávvudan 50-jagi ávvudeami, ja dalle heive ge sáddet liekkus giitosiid, vuos dán vurrui, buohkaide geat leat ángiruššan dán 50 jagis. Šattan vuollegaš ja rámis, ja duođaid movttiidahtá go geahčadan historijá ja oainnán man ollu min organisašuvdna lea olahan.

NSR lea bargan buot dásiin. Leat leamaš sihke duodjekursat, kultureahkedat ja festiválat, ja sámi mánáidgárddit ge leat álggahuvvon ja jodihevvon. Ja eandalii lea NSR leamaš njunnošis go ođđaáiggi sámi servodat lea huksejuvvon iešguđetge ásahasuiguin. 50 jagi lea NSR guođđán čiekŋalis luottaidda, ja juohke unna doaimmas ja daid garra rahčamušain lea iežas árvu. Giitu, didjiide buohkaide!

Vihttalogát jagis lei mu gudni válljejuvot organisašuvnna jodiheaddjin. Lea viiddis doaimma mainna bargagoađán vuollegašvuodain, go mu ovdal leat ollu sámi ovdagovat doaimmahan dan man dál galgagan seamma bures nagodit. Lihkus leat mus guokte gelbbolaš nubbijodiheaddji searvvis, Saia Stuong ja Vidar Andersen. Dasa lassin lea riikkastivrras hájranan Beaska Niillas, Betty Kappfjell ja Sára-Márjá Magga. Ovttas mii bargagoahtit ángirvuodain ja ođđa movttain.

Riikkačoahkkimis lei maiddá buorre oaidnit mo boahtteáiggi NSR stuorra, erenoamán buriin nuoraidprográmmain ja ollu ángiris oasseváldiiguin. Ollu lihku olles ođđaválljejuvvon NSR-N:i ja Maren Nystad Storslettii ođđa jodiheaddjin. Din ángiruššan ja oavilat leat ja šaddet dehálaččat, ja mun illudan ovttasbargagoahtit dinguin ja hástaluuvot áššiiguin!

Mis leat stuorra hástalusat maid mii ovttas fertet gieđahallat boahttevaš jagiid, ja mii dáidit buohkat dovdat ahte dál leat garrasat áiggit sámi áššiid dáfus. Stuorra ja beaggán vuogatvuoda- ja areálaáššit gáibidit mis ollu 2019:s ja boahttevaš jagiid. Muhto mii leat gergosat. NSR lea álo njunnošis go lea sáhka rahčat min kulturvuodu ovdas.

Dál mii áigut juovllaid bosihit ja fuola atnit sis geaidda leat buorit. Sávan didjiide buohkaide juovlaráfi ja ahte beassabehtet vuoinjastit. Ja de leat mii gergosat fas ángiruššat 2019:s – dalle dárbbášuvvot mii buohkat!

Buorit juovllat ja buorre ođđajahki!

Runar Myrnes Balto

Runar Sammol Myrnes Balto
Jodiheaddji



Beaska Niillas ja Jenni Laiti eaba vuollán goassege!

Beaska Niillas og Jenni Laiti gir seg aldri!



Go sápmelaččat deaivvadit de leat álo olu ságat.

Også på innbytterbenken kryr det av flinke NSR-folk.